



MEMORIA XUSTIFICATIVA DO CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA E AS AGRUPACIÓNS DE VOLUNTARIOS DE PROTECCIÓN CIVIL DO CAMIÑO FRANCÉS E PORTUGUÉS EN MATERIA DE PREVENCIÓN DE RISCOS E AXUDA AOS/ÁS PEREGRINOS/AS

A Vicepresidencia e Consellería de Presidencia, Administracións Públicas e Xustiza, a través da Dirección Xeral de Emerxencias e Interior, é o órgano encargado de xestionar as competencias que, en materia de protección civil, ten atribuídas a Comunidade Autónoma de Galicia segundo o Decreto 177/2016, do 15 de decembro e o Decreto 72/2013, do 25 de abril.

O artigo 24 do Decreto 56/2000, do 3 de marzo, modificado polo Decreto 109/2004, do 27 de maio, polo que se aproban as medidas de coordinación da protección civil no ámbito da Comunidade Autónoma de Galicia, establece que a Xunta de Galicia poderá asinar convenios de colaboración con entidades públicas e privadas.

Os artigos 5.3 e 47.2 da Lei 5/2007 de emerxencias de Galicia, regulan que a Xunta de Galicia poderá subscribir convenios de colaboración con entidades públicas ou privadas co fin de facilitar a colaboración das mesmas na xestión de riscos e de emerxencias.

Antecedentes:

Entre os medios e recursos mobilizables pola Vicepresidencia e Consellería de Presidencia, Administracións Públicas e Xustiza é conveniente contar en determinados momentos con medios alleos, ademais dos propios, co fin de optimizar recursos e orzamentos, mellorando a planificación e intervención nas emerxencias ordinarias e extraordinarias que poidan darse na nosa comunidade.

Que as AVPC coas que se pretenden asinar os convenios de colaboración, contan con medios humanos e materiais coa experiencia necesaria na prevención de emerxencias, adquirida ó longo destes anos de colaboración coas autoridades de protección civil da Administración Autonómica de Galicia, sendo entidades necesarias e imprescindible na xestión da prevención, promoción, divulgación, información e socorro no ámbito do Camiño Francés e Portugués dentro dos seus termos municipais.

Para os efectos sinalados, tense previsto formalizar coas AVPC do Camiño Francés e Portugués o convenio arriba referido por un período de vixencia que abrangue dende o momento da súa sinatura ata o 31 de decembro de 2018.

Finalidade:

O obxecto do presente convenio é establecer as bases para a colaboración, dentro do Sistema de Protección Civil de Galicia, entre a Vicepresidencia e Consellería de Presidencia, Administracións Públicas e Xustiza, a través da Dirección Xeral de Emerxencias e Interior, e as Agrupacións de Voluntarios de Protección Civil asinantes, para que estas interveñan, dentro dos seus termos municipais ou de municipios limítrofes que carezan de AVPC, na prevención, promoción, divulgación, información no ámbito do Camiño Francés e Portugués, contribuíndo deste xeito á concienciación, información e seguridade dos/as peregrinos/as na súa andaina a Santiago de Compostela

O instrumento convencional que se pretende asinar fundaméntase na necesidade de colaborar con estas agrupacións nas seguintes funcións:

- Patrullar polo camiño do seu termo municipal ou o dos concellos limítrofes
- Atender aos/ás peregrinos/as dos distintos camiños xacobeos





- Informar diariamente ao CAE 112 do inicio e peche da actividade na atención dos camiños dando resposta, onde se requira a súa intervención, ás situacións e incidencias ou solicitudes de axuda que demandan os/as camiñantes.
- Colaborar na prevención, apoio e cobertura en grandes eventos e concentracións humanas derivadas de actos que teñan que ver coas peregrinacións.
- Participar, xunto coa administración autonómica, na organización e realización de operativos, exercicios e simulacros, no desenvolvemento dos plans territoriais e especiais de protección civil, colaborando activamente nas campañas planificadas pola Dirección Xeral de Emerxencias e Interior.

Dado que estas funcións son exercidas de forma exclusiva nos seus termos municipais por estas AVPC, non é posible a aplicación dos principios de publicidade e concorrência pública, de acordo co establecido na Lei 1/2016 do 18 de xaneiro de transparencia e boas prácticas na Administración Pública Galega.

A Vicepresidencia e Consellería de Presidencia, Administracións Públicas e Xustiza colaborará nos custos que xeran as actividades obxecto dos respectivos convenios, con cargo á aplicación orzamentaria 05.25.212A.481.0 e código de proxecto 2015 00106 dos orzamentos do ano 2018, por un importe total de cen mil euros (100.000,00 €), distribuídos do seguinte xeito:

AVPC ASINANTES DO CONVENIO, CAMIÑO ATENDIDO E CUSTO TOTAL

CAMIÑO	AVPC	TRAMO A PERCORRER DOS CAMIÑOS	Km. CAMIÑO	Sinatura €	TOTAL € Km.	CUSTO TOTAL
Francés	Sarria	O Cebreiro – Morgade (Sarria)	69,00	2000,00	13509,32	15.509,32
	Portomarin	Ferreiros (Paradela)-Ventas de Narón (Portomarin)	23,00	2000,00	4503,11	6.503,11
	Monterroso	A Previsa- Aireche (Monterroso)	10,50	2000,00	2055,77	4.055,77
	Palas de Rei	Portos-A Campanilla (Palas de Rei)	14,00	2000,00	2741,02	4.741,02
	Melide	O Coto- Parabispo (Melide)	11,00	2000,00	2153,66	4.153,66
	Arzúa	Boente (Arzua)-Pedrouzo (O Pino)	27,00	2000,00	5286,25	7.286,25
	Santiago de Compostela	Pedrouzo (O Pino)- Santiago de Compostela	19,00	2000,00	3719,96	5.719,96
Portugés	Santiago de Compostela	Ctro. Cultura Milladoiro a Quintana	5,50	0,00	1076,83	1.076,83
	Ames	Biduido a Milladoiro	1,70	2000,00	332,84	2.332,84
	Teo	Faramello a Biduido	6,30	2000,00	1233,46	3.233,46
	Padrón	A Ponte a Picaraña	12,18	2000,00	2384,69	4.384,69
	Pontecesures	Concide a Pontecesures	3,10	2000,00	606,94	2.606,94
	Valga	As Cernadas a Valga	5,94	2000,00	1162,98	3.162,98
	Caldas de Rei	Valsordo a Gurgullón	12,00	2000,00	2349,45	4.349,45
	Portas	San Amaro a Albergue Portas	1,20	2000,00	234,94	2.234,94
	Barro	San Amaro a Seca (Portas)	7,61	2000,00	1489,94	3.489,94
	Pontevedra	Pontesampaio a San Amaro	15,56	2000,00	3046,45	5.046,45
	Vilaboa	Pontesampaio a Tomeza	3,50	2000,00	685,26	2.685,26
	Redondela	Dende o Límite de Mos a Vilaboa	18,00	2000,00	3524,17	5.524,17
	Mos	Sanguineda a O Alto Santiaguíño	8,40	2000,00	1644,61	3.644,61
	O Poriño	Cerquido ao límite de Mos	11,00	2000,00	2153,66	4.153,66
	Tui	Fronteira – Orbenlle(Porriño)	10,75	2000,00	2104,71	4.104,71
TOTAIS			296,24	42000,00	58000,00	100.000,00

Nota: O orzamento final de cada AVPC podería variar en función dalguna renuncia na sinatura do convenio






XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Dirección Xeral de Emerxencias e Interior

Rúa Roma, 25-27 (Polígono de Fontiñas)
15707 – SANTIAGO DE COMPOSTELA
Teléfono: 981 546 497 – Fax. 981 546 486
emerxencias.interior@xunta.es



Polo exposto, considérase xustificada a utilización do instrumento do convenio para articular as actuacións de referencia, quedando o citado instrumento convencional fóra do ámbito de aplicación do texto da lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, segundo especifica o seu artigo 4, ao non previsto lle sexan de aplicación os principios desta lei para resolver dúbidas e lagoas que se poidan presentar.

Santiago de Compostela, 7 de maio de 2018

O director xeral de Emerxencias e Interior

Luís Menor Pérez

